

MOJXE

Te Me To Ihhimpej Xà

Ÿhỹ, ihkàhhôc te xĩc kam ri, Mojxe te Canãn jõ pjê mã me hàr xà, ne hipêr cute me cumã cute me hapackre xà cunea jarên. Cwýrjapê ri ihkàhhôc ita japrỳ te **Cute Me To Ihhimpej Xà Jõ Kàhhôc** (Cute Me To Ihhimpej Xà).

6

Hipêr cute me to ihhimpej xà
Cute Me To Ihhimpej Xà 6.4-16

Ne pê Mojxe hipêr Ixaher catêjê to ihhimpej to:
— Ixaher catêjê, me ikampa, Pahpãm pê ri me pajõ Pahhiti, ne taa mã ri pyxitpeaj ne cupê Pahpãm. Cwýrjapê cu ha me pahna cuhkõnrecunea me, me pahcaxwýn cunea me, me pahcarôt cunea to, quê ha mepamã ihkĩn, ne to pit mã amji kam me pajapac to me papa. Ne nee me Pahpãm ràn xà na, ame amji mã ampo kĩnnare. Ca ha atýj, cute me acaxuw imã ampo na harkwa, wa ite me amãharên atajê to me amji japackre. Ca ha atýj me pahkra mã harên xà itajê to me harê, ne me cumã to hahkre, ne hanea ne ikre kam me cumã toawjarê, ne ca ha hanea ne põ pê ame apaxà ata kam, atýj me cumã awjarê. Ne caxwa ri ca ha hanea ne me gikwa xà wýr amjimã me harê, ne hanea ne iràrà na me akrì pê amji mã me harkwa ita to awjarê.

— Pê Pahpãm me aquêjtê pê Aprãw me, Ixac me, Jaco mã pjê ita toawjahkrea na, quê ha

ih̄t̄yjita caxuw h̄yrmã me ato m̄õ. Ne me amã, por pê canee me kr̄ĩ catia ton nare atajê ḡõ, ne ramãkam me amã ampo pejti te hipu hiahpuro. Quê ha meamã ate me kwa kw̄yn nare atajê ḡõ, ne me amã me ate me p̄ixô p̄ar krenare atajê ḡõ, ca ha me ku ne me togarte. Ata caxuw ca ha Pahpãm te, por Ejit j̄õpjê kam ateme amji pupun xà kêanre, mã cute ih̄p̄ĩn me ato cator na, ca ha at̄yj me to amji japackre.

— Ne ame garte jirô pê, ca ha harkwa kôt ame apa, ne cumã pit mã me apê. Ne nee ca ame pahpãm cahàckrekà atajê k̄ĩn nare. Ampo na? Ca ha ate amepahpãm cahàc krekà atajê k̄ĩn, ne ih̄kôt ame amji kam gapac, ne me Pahpãm t̄ĩar ita m̄ãhikran na, quê ha hanea ne me Pahpãm me amã hikra. Ne ame akam incryac toincryc, ne ame ato kêanre ne. Ca ha ampo kên cunea kam me amji pupun xàkêanre atajê to ame amji pupu, ne kaam me gamre. Cupate ca ha Pahpãm kôt pit mã me apa, nenee pahpãm cahàc krekà to hipêr me amji japackre nare — hane.

26

Pê Mojxe me cute Pahpãm mã ampo j̄õr xà to ih̄himpej

Cute Me To Ih̄himpej Xà 26.1-11

Pê ajco Mojxe Ixaher catêjê japackre to hane he:

— Ca ha ma Pahpãm te me amã pjê to h̄ũjahkre ata w̄yr me acato, ne curimehkr̄ĩ catêjê tohjê, ne me hipej ne h̄õ pjê kam me akr̄ĩjirô

pê, ca ha me gō pur ata kam mam ate me gō to mecuprōn atajê, Pahpām mā me agō.

— Ca ha kàhà kam me to hipu, ne ma Pahpām to me amjijapackre xà jūrkwà wūr me to apa. Ne Pahpām mā mehcajrēn catē mā me agō, necumā me amji jarēn to hane he: “Ite Pahpām mā ampo jōr xà ita mā he. Cute pjê to imā hūjahkreatā mā ito hār na, harēn xà mā he” hane.

— Quē ha Pahpām mā mehcajrēn catēkàhà na me gō atajê incwa, ne Pahpām mā cute me hō to caxàr xà cuna mā me hūxwỳ. Ca ha me acuneaPahpām mā me acakōc to me hane he. “Pê me iquētjê mencre, ne Ejitjō pjê mā me axà. Ne ita caxuw ite me amji ràn ne me ijàhtōa to me ijàhtō. Ne ite ame amji pupun xà kēanre tome amji pupun, ca ate me ikam gapac, ne apatỳjti ita to ate me ito acator, pjê impejti ita mā. Jahpan xà na wa amāmam pjê impejti ita jō intuw ita to mō” hane.

— Jirō pê ca ha mecumā cre, ne ma me gūrkwà wūr me amji jacjê, ne ame gàpàn xà impejtiatajê to ame apà, ne ameakwỳ cunea kam me gakryti ne — hane.

31

Mojxe jaxà kam Jojuw pê pahhi tuw

Cute Me To Ihhimpej Xà 31.1-8; Me Cahyt Xà 27.15-23

Ne Mojxe te Pahpām mā ihcakōc ne cumā harkwa to:

— Me ijō Inxū Cati, pê ca me icunea mā ite amji kam me ijapac xà gō, na caha meicaxuw me akwỳ nō capi, ne to me ijō pahhi tuw na. Ne por

me hũmre nõ mã meipijapu kam me to ihmipej jahkre pej ata pê, quê ha me ijõ pahhi, mãr quê nee me cupê me akwỳ pê carà cahàcrejamãr catê nare atajê pyrác, ne amjia kôt ame ipa, ne me ipictor nare — hajÿr.

Mã Pahpãm Mojxe mã:

— Jojuw pê Nũm kra ata, ca ha ihpa na me apy. Ampo na? He kaamri Icarõ Pejti te hipu tu. Ca ha Erexa pê imã mehcajrẽncatê ata wÿr to tẽ, ne mehcunea kammare mã me cuna mã ihkrã na gã xi. Ne cumã me caxuw cupê pahhi ita gã, mãr quê mehcunea me kampa. Ne wa ha itÿj ite cumã icakôc prãmte, caxuwErexa pê imã mehcajrẽn catê ata mã ijarkwa juwahi.

— Hõ, wa ha me to hajÿr to xa. Wa ha ampo na Jojuw mãicakôc prãm, ne mam Erexa mã icakôc, mãr quê ikampa ne Jojuw mãijarkwa jarẽ, quê ha Jojuw xwÿjê ma amũ mehkwy mã ijarkwa toawjarẽ — hane.

Mã Mojxe te Pahpãm te ampo na mẽn xà ata ton, ne maJojuw japrôr ne ihpa na ipyr ne to mõ, Pahpãm mã cute mehcajrẽn catêjaprÿ teErexa ata wÿr. Mã cormã mehcunea me xa ne me hõmpu, mã Mojxe te me kammare mã Jojuw krã na hũ xir, necute cupê me hõ pahhi xà caxuw cumã carôt jõr.

34

Mojxe tyc xà

Cute Me To Ihhimpej Xà 34.1-10

Ne Mojxe ihtyc xà wÿr pjê pupun prãmte, por Canãnjõ pjê cahê na kënti japrÿ te Nepo ata na

hàpir. Mã Pahpãm te cumãpjê ata jahkre, mã cute hõmpun, Krĩcuxwati me. Jirô pê mã ri Pahpãm cumã:

— Pjê ita pê wa Aprãw me, Ixac me Jaco tãmxwýmã to awjahkre, ne ite amã hahkre. Ca rý cama ate hõmpun, ne ca, ca ha nee curi mehkôtacator nare — hane. Me ajkaam mã Mojxe tyc, mãcuria Pahpãm te jũ ri harêt. Mã neejũ ri Pahpãm te harêt xà ata najũm te hahkre pej, ne hõmpun nare. Pê Mojxe cormãirĩt peaj, ne cormãcarôt pê mentuaw carôt, ne ahna caku xẽntiwinti pê ty.

Pê Ixaher catêjêMojxe xwý to hapac xà te mencwýar to me putwrý pyxit. Pêmam pahhi cati to cute amji kam me hapac xà te hajýr tũam, na pê me tohane. Mã Nũm krapê Jojuw ata te amji jahkre pejti, Pahpãm Carõ Pejti kôt. Ampo na? PêMojxe ihkrã incwýrpê hũhkra pê, na pê cumã amji jahkre pej. MãIxaher catêjê ihtýj me Jojuw kampa, por pê Pahpãm Mojxe mã ahnaaharkwa to ata na.

Rý jũ caxuw Pahpãm mã ihcakôc catê nõ pê Mojxe xwý pyrác nare. Pom ahnaa mã me hõ ikwý nõ mã ihcakôc ita na, pê me Pahpãm ajco ihkuc ri cumã ihcakôc.

PAHPÃM JARKWA CUPAHTI JÕ KÀHHÔC
Canela: PAHPÃM JARKWA CUPAHTI JÕ KÀHHÔC
(Portions)

copyright © 2012 Wycliffe Bible Translators, Inc.

Language: (Canela)

Contributor: Wycliffe Bible Translators, Inc.

All rights reserved.

2020-11-16

PDF generated using Haiola and XeLaTeX on 1 Oct 2024 from source files
dated 29 Jan 2022

09d4e460-c38b-52b7-81c1-8300bfeb466a